

張仲景先生原文

傷寒論類方

吳江徐靈胎釋

序

王叔和傷寒例云。今搜採仲景舊論錄其証候診脈聲色對病真方。擬防世急。則知傷寒論當時已無成書。乃叔和之所搜集者。雖分定六經而語無詮次。陽經中多陰經治法。陰經中多陽經治法。參錯不一。後人各生議論。每成一書。必前後更易數條。互相訾議。各是其說。愈更愈亂。終無定論。不知此書非仲景依經立方之書。乃救誤之書也。其自序云。傷天橫之莫救。所以尋求古訓。博採眾方。蓋因誤治之後。變症錯雜。必無循經現症之理。當時著書。亦不過

隨症立方本無一定之次序也。余始亦疑其有錯亂。乃探
求三十年而後悟其所以然之故。於是不類經而類方。蓋
方之治病有定而病之變遷無定。知其一定之治隨其病
之千變萬化而應用不爽。此從流溯源之法。病無遁形矣。
至於用藥則各有條理。解肌發汗。攻邪散痞。逐水驅寒。溫
中除熱。皆有主方。其加減輕重。又各有法度。不可分毫假
借。細分之不外十二類。每類先定主方。卽以同類諸方附
焉。其方之精妙。用又復一一注明條分而縷悉之。隨以
論中用此方之症。列於方後。而更發明其所以然之故。使

讀者於病情藥性。一目顯然。不論從何經來。從何經去。而見症施治。與仲景之意。無不吻合。豈非至便之法乎。余纂集成帙之後。又復鑽窮者七年。而五易其稿。乃無遺憾。前宋朱肱活人書。亦曾彙治法於方後。但方不分類。而又無所發明。故閱之終不得其要領。此書之成。後之讀傷寒論者。庶可以此爲津梁乎。

乾隆二十四年歲在屠維單闕陽月上浣涇溪徐大椿序

傷寒論類方目錄

桂枝湯類 二十九方

桂枝湯

桂枝加附子湯

桂枝加桂湯

桂枝去芍藥湯

桂枝去芍藥加附子湯

桂枝加厚朴杏仁湯

小建中湯

桂枝加芍藥生薑人參新加湯

桂枝甘草湯

茯苓桂枝甘草大棗湯

桂枝麻黃各半湯

桂枝二麻黃一湯

桂枝二越婢一湯

桂枝去桂加茯苓白朮湯

傷寒類方

目錄

桂枝去芍藥加蜀漆龍骨牡蠣救逆湯

桂枝甘草龍骨牡蠣湯

桂枝加葛根湯

桂枝加芍藥湯

桂枝加大黃湯

麻黃湯類一六方

麻黃湯

麻黃杏仁甘草石膏湯

大青龍湯

小青龍湯

麻黃附子細辛湯

麻黃附子甘草湯

葛根湯類三方

葛根湯

葛根黃芩黃連湯

葛根加半夏湯

柴胡湯類四方六方

小柴胡湯

大柴胡湯

柴胡加桂枝湯

柴胡加龍骨牡蠣湯

柴胡桂枝乾姜湯

柴胡加芒硝湯

梔子湯類五方七方

梔子豉湯

梔子甘草豉湯

梔子生薑豉湯

梔子乾姜湯

梔子厚朴枳實湯

梔子檳皮湯

枳實梔子鼓湯

承氣湯類六方十二

大承氣湯

小承氣湯

調胃承氣湯

桃仁承氣

抵當湯

抵當丸

十棗湯

大陷胸湯

大陷胸丸

小陷胸湯

白散

麻仁丸

瀉心湯類七方十一

生姜瀉心湯

甘草瀉心湯

半夏瀉心湯

大黃黃連瀉心湯

附子瀉心湯

黃連湯

黃芩湯

黃芩加半夏生姜湯

乾姜黃連黃芩人參湯

旋復代赭石湯

厚朴生姜甘草半夏人參湯

白虎湯類八方

白虎湯

白虎加人參湯

竹葉石膏湯

五苓湯類九方

五苓散

猪苓湯

文蛤散

茯苓甘草湯

四逆湯類十方

四逆湯

四逆加人參湯

通脈四逆湯

通脈四逆加猪胆汁湯

乾姜附子湯

茯苓四逆湯

白通湯

白通加猪胆汁湯

四逆散

當歸四逆湯

當歸四逆加吳茱萸生姜湯

理中湯類十一方

理中丸

真武湯

附子湯

甘草附子湯

桂枝附子湯

桂枝附子去桂加白朮湯

茯苓桂枝白朮甘草湯

芍藥甘草附子湯

桂枝人參湯

雜方十二方

赤石脂禹餘糧湯

炙甘草湯

甘草乾姜湯

芍藥甘草湯

茵陳蒿湯

麻黃連軀赤小豆湯

瓜蒂散

麻黃升麻湯

黃連阿膠湯

吳茱萸湯

半夏散及湯

桃花湯

豬膚湯

甘草湯

桔梗湯

苦酒湯

烏梅丸

白頭翁湯

牡蠣澤瀉散

蜜煎導方

猪胆汁方

烧褌散

以上共二百十三方

傷寒論類方

吳江徐大椿靈胎編釋

男 熾鼎和校

桂枝湯類一

桂枝湯一

桂枝三兩 去皮芍藥二兩

甘草二兩 炙生姜三兩

大棗十二枚 擘

右五味咬咀以水七升微火煮取三升去滓適寒溫服

一升服已須臾飲熱稀粥一升餘以助藥力桂枝本不能發汗故

須助以熱粥內經云穀入於胃以傳於肺肺主皮毛汗所從出穀粥充胃氣以達於肺也觀此可知傷寒不禁

食溫覆令一時許遍身熱熱微似有汗者益佳不可令

桂枝湯

如水流瀉病不必除

此解脫之法也若如水流瀉則動營氣衛邪仍在

若一服

汗出病瘥停後服不必盡劑若不汗更服依前法又不

汗後服小促其間半日許令三服盡若病重者一日一

夜服周時觀之服一劑盡病証猶在者更作服若汗不

出乃服至二三劑

桂枝湯全料謂之一劑三分之一謂之一服古一兩今二錢零則一劑之

藥除姜棗僅一兩大錢零一服不過五錢零矣治傷寒大症分兩不過如此一服即汗不再服無汗服至二三

劑總以中病為主後世見服藥得效者反令多服無效者即疑藥誤又復易方無往不誤矣 禁坐冷

粘滑肉麵五辛酒酪及臭惡等物

太陽中風陽浮而陰弱

風在外故陽脈浮衛氣有邪則不能護營故陰脈弱 陽浮者

熱自發風為陽邪故發熱陰弱者汗自出芍藥之酸以散之甘草之甘以

之蓄蓄惡寒淅淅惡風惡風未有不惡寒者但惡寒甚翕

翕發熱其熱亦不如鼻鳴乾嘔者鼻鳴似屬陽明乾嘔似

畧有兼病陽明之甚桂枝湯主之但不甚耳

太陽病頭痛發熱汗出惡風者桂枝湯主之此桂枝湯總症

太陽病下之後其氣上衝者可與桂枝湯方用前法誤治若

不上衝者不可與之此誤下之症誤下而仍上衝則邪氣猶在陽分故仍用桂枝發表若不上

衝則其邪已下陷變病不一當隨宜施治論中誤治諸法詳觀自明

太陽病初服桂枝湯反煩不解者先刺風池風府却與桂

桂枝湯

二

枝湯則愈

此非誤治因風邪凝結於太陽之要路則藥力不能流通故刺以解其結蓋邪風太甚不僅在

衛而在經刺之以洩經氣。風府一穴在頂上入髮際一

寸大筋內宛宛中督脈陽維之會刺入四分留三呼風池

二穴在顛顛後髮際陷者中足少

陽陽維之會刺入三分留三呼

太陽病外症未解脈浮弱者當以汗解宜桂枝湯

病雖過期脈症

屬太陽仍不

離桂枝法

太陽病外症未解者不可下也

此禁下總訣

下之為逆欲解外

者宜服

言雖有當下之症而外症未除亦不可下仍宜解外而後下也

太陽病先發汗不解而復下之脈浮者不愈浮為在外而

反下之故令不愈今脈浮故知在外當須解外則愈宜服